

植物名實圖考

植物名實圖考卷之三十七

固始吳其濬著

蒙自陸應穀校刊

木類

桐

黃連木

青岡樹

實樹

羅漢松

何樹

榕

根木

蟲椰

蚊椰樹



蚊子樹

八角楓

野檀

小蠟樹

牛孀子

又一種

羊孀子

羊孀子

又一種

陽春子

野胡椒

樹腰子

菩提樹

鳳尾蕉

椶櫚竹

水楊柳

蔡木

欒木

蕤核

又一種

栲樹

杆

樺木

黃蘆木

樂華

桐



桐

新化縣志桐山經虎首山多桐說文木也類篇寒而不凋今俗名梁山樹多枝葉亭亭如蓋葉青黑冬榮邵陽縣志桐有紅白二種紅爲上白次之質堅而性柔作器須浸水經歲方堅實否則移時卽裂而翹辰谿縣志檣有紅白二種白者呼蒿荆檣紅者爲巖檣性直而堅可扛輿大者可作油榨按江西之樟湖南之楸所爲什器幾徧遐邇然樟木江南多有惟不逾嶺而南桐木則湖南而外無聞焉字或作檣新化縣志據山經作桐較爲確晰其木質重而堅耐久不蛀葉亦似樟稍小亦似山茶校

幹皮光而灰黑木紋似栗而斜邵陽縣志謂必浸水經歲而後  
堅實不知凡竹木作器皆宜浸之以水使其生氣盡而汁液洩  
然後可任斧鑿否則風燥而生蟲濕蒸而生菌植物皆然不獨  
桐也

永順府志土紙四縣皆出檇樹皮爲之佳者稍白然粗澀不中  
書則檇亦可爲紙

黃連木

三

木類卷之三十七





黃連木

黃連木江西湖廣多有之大合抱高數丈葉似椿而小春時新芽微紅黃色人競採取醃食曝以爲飲味苦回甘如橄欖暑月可清熱生津杭人以甘草青梅同煮啖之則五味備矣故救荒本草黃棟樹生鄭州南山野中葉如初生椿葉而極小又似棟葉色微黃開花紫赤色結子如豌豆大生青熟紅亦紫色葉味苦採嫩芽葉燂熱水浸去苦味油鹽調食蒸芽曝乾亦可作茶煮飲形狀功用正同唯南方未見其花實爲異其木理堅實廣西通志黃連木各州縣出最能經久卽嶠南瑣記所謂勝餘方

木者唯湘潭縣志以爲卽楷木未知所本楚人呼連與栗同音  
字或作槩或作鸛春時鄉人有摘芽售於城市者呼爲黃鸛芽  
五雜俎曲阜孔林有楷木相傳子貢手植者其樹十餘圍今已  
枯死其遺種延生甚蕃其芽香苦可烹以代茶亦可乾而茹之  
其木可爲笏枕及棋枰云敲之聲甚響而不裂故宜棋也枕之  
無惡夢故宜枕也此木聖賢之遺跡而守土之官日逐採伐制  
器以充饋遺今其所存寥寥反不及商邱之木以不才終天年  
不亦可恨之甚哉 按所述芽味香苦似卽黃連木或作湘潭  
志者爲魯人故識之



青岡樹

救荒本草青岡樹舊不載所出州土今處處有之其木大而結  
橡斗者爲橡櫟小而不結橡斗者爲青岡其青岡樹枝葉條幹  
皆類橡櫟但葉色頗青而少花又味苦性平無毒採嫩葉燂熟  
以水浸漬作成黃色換水淘淨油鹽調食 按青岡樹與橡櫟  
雜生岡阜蓋一類而無花實者其梢頭往往結一綠毬細如櫻  
絲頗硬貴州土綱卽此樹蠶繭也其利溥矣桑有甚橡有栗皆  
不宜蠶一理耳今以橡譜附於後湖南僮醫呼爲白栗毬又呼  
矮腳栗以其絲毬至秋圓白如去殼之栗用治紅痢白濁

橡繭識語

雩婁農曰黔山瘠民草服不給陳府君被以綈綺而有贏焉俎  
豆報之宜也原標橡繭鄭君譜之易曰樗一字之師辨矣然非  
以通俗夫蟲食樹吐絲以爲巢必樹美者絲美桑葉沃若繭之  
上也柘汁黃豫之商城荆之荆門辰谿其土絹皆柘汁也繭之  
信豐安遠以烏白飼蠶則絲暗以蠟樹飼蠶則絲鮮嘉應之程  
鄉畦樹而蠶食某葉者爲某繭瓊之文章蠶食山栗服之不做  
新與繭亦然棟之絲湖人以織褰巾楓之絲粵人以爲緣且絃  
琴瑟樟之絲湘人以爲釣縉徐元扈曰樹皆可蠶其信然歟然

槐蠶大如蟻榆之蛾如蚱蜢繭皆如蛛網弗任織樗之蠶以少  
絲糾數木葉爲穴而跽焉摘而擲之曳其穴以行是蠹蠹者烏  
能爲此裊裊也橡之樹堅其色褐葉勁而澤其無實者曰青岡  
葉愈厚且大柘之次也蠹食焉而肖故絲勁而色亦褐陸元恪  
曰山樗與下田樗無異不以爲樗其釋樗也曰似樗不以爲樗  
若宗陸說則宜曰樗而後可

寶樹

二

木類卷之三十七



寶樹

寶樹生廬山佛寺亭亭直立葉如松杉而有歧枝相傳明時開  
一花如蓮考西陽雜俎巴陵僧房忽生一木外國僧見曰此婆  
羅也元嘉初開一花如蓮或卽此類華夷花木考婆羅樹每枝  
生葉七片有花穗甚長而黃如栗花秋後結實如栗可食此乃  
天師栗非婆羅樹李時珍亦云然



羅漢松

木類卷之三十七



羅漢松

羅漢松繁葉長潤如竹而團多植盆玩實如羅漢形故名或云實可食又有以爲卽竹柏者考益部方物記竹柏葉繁長而籜似竹如以籜爲落葉則甚肖若以爲筍籜則絕不類存以俟考滇南羅漢松實大如拇指綠首絳跗形狀端好跗嫩味甜飮盤尤雅俗云食之能益心氣蓋與松柏子同功

何樹



何樹

何樹江西多有之材中棟梁本草拾遺有柯樹或卽此

雩婁農曰何樹巨木也宮室器具之用益於民大矣然志書或曰柯或曰栲或曰和南城以木名其山而不知於古爲何木無名之樸木之不幸歟以無名而爲求木者所不及山徑之蹊扶疎蔭塗其視松杉不拱把而尋斧者又非至幸歟昔有僧氏何問其里亦曰何國人然則何樹者其何國之木而何氏之僧所手植歟

榕

十

木類卷之三十七



榕

榕樹兩廣極多不材之木然其葉可蔭行人可肥田畝木歲久則成伽南香根大如屋江西南贛皆有之稍北遇寒卽枯故有榕不過吉之諺或以爲卽蜀之檲木但蘇子美蜀人在惠在瓊無一語及之李調元南越筆記叙榕木甚詳亦不謂卽檲李亦蜀人也

根木

上

木類卷之三十一



## 根木

寧鄉縣志棚質堅而綿作器具良浸水有膏粘婦人以沐髮有沙棚蟲棚葉間結包生蚊衡山縣志根結實如衣扣破之有數蚊飛出龍山縣志櫛左傳正義木有榆者俗呼爲櫛榆蓋爲櫛也有紅白二種大樹皮厚寸許者性膠可和香料葉圓而淡黃俗作根與榔者皆誤俗有杉櫛郁櫛柏櫛硬殼櫛之名杉櫛爲佳按根木湖南贛南多有之非珍木也作志者多以榔榆爲說其實南方榔榆秋結莢者亦間有之陳藏器謂南方有刺榆無大榆今榔木無刺無莢非榔榆也寧鄉衡山縣志皆謂有蚊



蠹生於實內余考北戶錄蠹母木卽南越志所云古度樹一呼  
卽子南人號曰柁實從木皮中出如綴珠璫大如櫻桃黃卽可  
食過則實中化蛾飛出亦有爲蚊子者其說與寧鄉衡山縣志  
合則蠹根卽蠹母無疑又攸縣志有一種柁樹幹甚端偉四時  
常青當卽北戶錄所謂南人號曰柁矣此樹葉青黑比榆樹葉  
肥澀搓之亦黏贛南並其葉合香不獨皮也其實初熟時小兒  
亦取食之惟實從皮中出則未敢信南方濕熱凡樹木葉莖間  
忽結紅綠小實色甚鮮明摘置案間俄卽蠕動或飛或伸爲蛾  
爲蠹土人皆曰蟲果余在廣東見大樹如椿枝幹礫礫隱隱隆

起侵曉則有無數蒼蠅飛出或蠅母所結之實老則化蚊而葉間所結之包亦卽蚊蠅所蘊北戶錄合而爲一歟又廣西通志蚊子樹如冬青實如枇杷子熟坼裂有蚊子飛出或卽此木但嶺南愈熱樹木生蟲恐尙不止一二種又格古要論櫛木出湖廣棕木櫛杷聲近蓋卽一木滇南呼婆樹則語有輕重耳實櫛木之一種也

荔枝

十三

木類卷之三十七



蠹椰

蠹椰湖南多有之說具椰樹下樹與各種椰同惟結實如小豆生青熟黃內有子一粒極硬其葉多黑斑隆起如沙莖間亦有小苞土人云化蚊者卽葉上之沙與莖間之苞非實中化出蓋其葉上黑斑已微具蚊形而莖上之苞則遺種所孕理可信也俚醫以爲跌打損傷之藥

蚊榔樹

十四

木類卷之三十七



蚊榔樹

蚊榔爲榔樹一種而蚊榔生蚊又有從實中生者其實初青有尖如毛桃而小如豆剝開有蟲如子又老則實黑而枯蟲化蚊而實成灰矣葉化蚊者葉盡而實存實化蚊者實盡而葉存以此別之

蚊子樹



蚊子樹

蚊子樹生南安與廣西志葉似冬青微相類而色黃綠不光潤  
余再至南安時已冬深未得見其結實如枇杷生蚊樵薪所餘  
嫩葉復萌土人皆呼爲門子樹蚊門土音無別湘南亦然





小蠟樹

小蠟樹湖南山阜多有之高五六尺莖葉花俱似女貞而小結  
小青實甚繁湖南產蠟有魚蠟水蠟二種魚蠟樹小葉細水蠟  
樹高葉肥水蠟樹卽女貞此卽魚蠟也或又謂水冬青葉細嫩  
與冬青無大異可放蠟此是就人家種蒔之樹與野生者而言  
亦強爲分別耳宋氏雜部所云水冬青葉細利於養蠟子亦卽  
指此李時珍謂有水蠟樹葉微似榆亦可放蠟生蠟與此異種



牛奶子

牛奶子樹長沙山阜多有之叢生褐幹葉如橘葉有微齒夏間結實狀如衣扣纍纍下垂外有青褐皮裂殼見黑光如龍眼核殼內青皮白仁味苦澀頗似橡栗可研粉救饑俚醫取枝莖以爲散血之藥

牛奶子

三

木類卷之三十七



牛奶子 又一種

牛奶子與陽春子樹葉皆相似秋結實如棠梨色紅紫味微甘而澀童豎食之

羊嬌子

三

木類卷之三十七



羊繡子

羊繡子湖南山阜多有之辰谿縣志羊繡子莖有小刺葉如桂而小上青下白開小白花實如羊繡味甘可食又羊春子同類異種按救荒本草白棠子樹亦名羊繡子樹形狀畧同



羊奶子

三

木類卷之三十七



羊奶子 又一種

羊奶子生長沙山岡叢樹無刺葉如榆葉光澤而薄秋結實如海棠果而小亦長經霜色紅味酸澀



陽春子

陽春子湖南處處有之叢生赭莖有硬刺長葉如橘葉而不尖  
面綠背白又一種葉稍大亦寬土名面內金俱結紅實土醫以  
治喉熱

野胡椒

三

木類卷之三十七



野胡椒

野胡椒湖南長沙山阜間有之樹高丈餘褐幹密葉幹上發小短莖大小葉排生如簇葉微似橘葉面綠背青灰色皆有細毛捫之滑軟附莖春開白花結長柄小圓實如椒攢簇葉間青時氣已香馥土人研以治氣痛酒冲服又一種枝幹全同葉微小無實俗呼見風消 按唐本草山胡椒所在有之似胡椒色黑顆粒大如黑豆味辛大熱無毒主心腹冷痛破滯氣俗用有效廣西通志山胡椒夏月全州人以代茗飲大能清暑益氣或以爲卽畢澄茄有一種野生不堪食皆未述其形狀未審是否一

物長沙別有一種山胡椒大葉秋深結實與此異種

樹腰子

三

木類卷之三十七





樹腰子

樹腰子一名紅花樹長沙山阜多有之樹高丈餘黑幹綠枝對  
葉排生葉如橘葉而寬亦柔中紋一縷稍偏夏開尖瓣銀褐花  
攢密如穗秋結紅實如椒顆而小三四顆共蒂老則迸裂子綴  
殼上黑光亦如椒目長而不圓形微似豬腰子故名味辛溫土  
人以治心痛滯氣



生馬走起時

木頭卷之三十七

菩提樹


菩提樹產粵東莞縣只一株樹身數圍形狀如桑葉蒼翳似蓋色青採葉用水浸數日去青成紗畫工取之繪佛像南越筆記菩提樹子可作念珠廣州志云訶林有菩提樹梁智藥三藏攜種樹大十餘圍根株無數通志謂葉似桑寺僧採之浸以寒泉歷四旬浣去渣滓惟餘細筋如絲可作燈帷笠帽瓊州志又稱金剛子產瓊州圓如彈堅實不朽可爲數珠按菩提子每顆面有大圈文如月周羅細點如星謂之星月菩提又有木櫨子色較黑而質更堅結亦可爲念珠大姚諸處俗亦呼爲菩提子

直勿召醫圖考

鳳尾蕉

三

木類卷之三十七



鳳尾蕉

鳳尾蕉南方有之南安尤多樹如鱗甲葉如椶櫚尖硬光澤經冬不凋欲萎時燒鐵釘烙之則復茂本草綱目併海椶波斯稟無漏子爲一種未敢據信或同名異物尙候訪求

梭櫚竹

三

木類卷之三十七



櫻櫚竹

李衍竹譜櫻櫚竹兩浙兩廣安南七閩皆有之高七八尺葉是  
櫻櫚而尖小如竹葉自地而生每一葉脫落卽成一節膚色青  
青一如竹枝十道志曰巴蜀紙惟十色竹則九種櫻竹其一櫻  
身而竹葉宋景文公益部方物贊曰葉櫻身竹族生不漫有皮  
無枝實中而幹註云叢產葉似櫻有刺陸務觀有占城櫻竹拄  
杖詩

水楊柳

三

木類卷之三十七





水楊柳

水楊柳叢生水濱高二三尺長葉對生似柳而細莖柔可編筐  
管光州謂之簸箕柳水農種之

蔡木



# 蔡木

蔡木生山西五臺山志書載之枝葉全類榲桲榲桲即橡栗之屬考段氏說文解字注蔡草多也多讀若介多字本無今補四篇曰多歸蔡也此曰蔡艸多也是爲轉注艸生之散亂也多察疊韻此木葉密枝料或以此得名爲蔡歟集韻有櫟字云木名梓屬蔡與櫟或音形相近而訛但此木殊不類梓又古人作字或訓爲柞櫟或祇訓柞木櫟醜實繁多供薪樵柞蔡一聲之轉西音呼蔡爲託柞亦爲槎之假借殆作志者就土音書爲蔡而不知其卽柞木耳霍州志柞新葉生故葉落堅忍之木可爲車軸

則祚亦晉材



檠木

檠木本經上品名檀桓別錄謂生漢中永昌山谷今山西湖  
南山中至多俗以檠黃說文檠黃木也俗加艸作檠誤

齊夢晨曰小說家有謂投黃檠水中能毒蛟龍者溫嶠然犀鬼  
神惡之但深山中忽遭沸流俗曰蛟水當其衝者山裂木拔豈  
無一檠木隨流而泛者哉夫澤水離析害難言矣近世有桀伐  
蛟說者其意甚壯然不聞有試之者周禮壺涿氏掌除水蟲若  
欲殺其神則以牡樺午貫象齒沈之其神死開爲陵與後世禁  
祝何異然則捍大患禦大灾而有益於民雖巫覡小術亦聖人

之所作也。槩木殺蛟其說若信則依澗負崖之氓家置戶畜一  
這一綫逆湍爭相迎擲獨非臨時救恤之一法乎





蕤核

蕤核本經上品爾雅棫白桺注小木叢生有刺實赤二端皆赤可食注本草者以爲卽蕤核圖經謂葉細如枸杞二種皆花白子附莖生紫赤色按其形狀正相肖也政和二年王公大臣奏子果可食今山西山坡極多谷子蕤核坑垣縣遼勃恭詩人芄芄薪蕤體物瀏亮亦自述其物宜耳霍州志棫一名桺卽棫樸也小枝而叢生中空州人飲煙者取爲飲具按陸璣詩疏棫卽柞其材理全白無赤心者爲白桺是棫有赤白二種今霍州產者有赤紋如繡心似通草以物穿之卽空詩人棫樸遼詠應

是一類二種召南詩林有樸橄毛傳樸橄小木也疏引爾雅作  
樸橄心則樸橄一名心古人多反語以亂爲治苦爲甘此木心  
柔可中通故亦名爲心歟陶隱居注云蕤核大如烏豆形圖而  
扁有文理狀似胡桃此種山西亦多與郭注異具別圖小木相  
似而異者甚繁大要皆一類也



江ノチノミヅナミヅナミヅナ

葉核

木質部之三十一



蕤核 又一種

蕤核陶隱居注形如烏豆大圓而扁有文理狀似胡桃桃核此種山西山阜極多俱如陶說圖經蕤核狀如五味此實多皺中有裂紋如桃李不正圓按諸書言漫疏皆云似枸杞有刺子兩兩相比此木叢生葉極似枸杞而多刺如棘子必駢生殆漫疏也土人既不知其名而方書無用者本經上品其爲逸民久矣本貫熊耳毗接中條族姓繁衍雜處械樸圖而識之俾不堙沒若陶隱居之併入蕤核蓋知已而非知已也

檉樹

三

木類卷之三十七



棧樹

棧樹生山西霍州大樹亭亭斜紋糾錯枝柯柔嫩葉如人舌駢  
生長柄裊裊下垂寺院陰清與風搖蕩可謂嘉樹按詩臨有杞  
棧陸疏棧葉如柞皮薄而白其木理赤者爲赤棧一名棧白者  
爲棧其木皆堅韌今人以爲車轂爾雅棧赤棧白者棧郭注赤  
棧樹葉細而歧銳皮理錯屏好叢生山中中爲車輞白棧葉圓  
而歧爲大木按其形狀不甚合或別一木





杆

杆木山西山中極多樹亭亭直上葉如栝松而肥軟又似杉木而葉短柔山西架木皆用之與南方杉木同按杆節樞字栝樞見吳郡賦注子如瓠形今廣東有之一名羊矢棗非軟棗也此木結實與松實同而小絕非栝樞樞木字書不載考說文櫛字下云松心木馬融廣成頌陵喬松履脩櫛漢書烏孫國多松櫛松櫛並稱自是一類小顏注櫛木名其心似松今杆木有赤白二種土人亦云松杆杆櫛音近或卽櫛木也水經注武陵有櫛溪俗作朗溪廣韻有櫛字今湘中櫛木應作櫛作志者或作櫛




其樹非松類誤合構桷爲一字耳構溪字亦當作桷彼處潮水  
最繁應卽以此名溪也左傳正義木有榆者俗呼棚榆蓋爲構也  
或以構爲棚榆未見所出卽榆姑榆俗  
或作棚榆段氏說文注謂認構爲桷未別其字而強說其音也

杆

樺木

三

木類卷之三十七



樺木

樺木開寶本草始著錄山西各屬山中皆產關東亦饒湖北施  
南山中剝其皮爲屋古有樺燭今罕用考說文樺或從彗誤  
注云俗作樺爾雅穫落郭注可以爲杯器素詩經無浸穫薪今  
五臺人車其木以爲椀盤色白無紋且易受采雁門人斧其枝  
以爲柴則杯器素及穫薪之用今猶古矣詩疏引陸璣疏以爲  
桤榆云其葉如榆按此木葉圓如杏密齒殊不類榆陸蓋不以  
穫爲樺與說文異爾雅正義引說文以穫爲樺之或體且云樺  
爲散木雜於薪蘇非所見說文本異卽是誤記樺皮及木其用

皆與樺不類

植物名實圖考

樺木

三

木類卷之三十七

黃蘆木


木類卷之三十七



黃蘆木

黃蘆木生山西五臺山木皮灰褐色肌理皆黃多刺三角如蒺藜四五葉附枝攢生長柄有細齒俗以染黃訛曰黃姑按說文桴字下云桴木也出橐山段氏注引廣韻黃桴木可染黃疑爲周禮注之橐蘆又櫨字下云一曰宅櫨木出宏農山段氏注亦疑爲橐蘆考桴櫨二篆說文分廁異物無疑嘉祐本草有黃櫨云生商洛救荒本草圖圓葉如杏與此木迥別而商洛接近宏農則說文宅櫨木其卽救荒本草之黃櫨矣此木亦染黃西音姑桴蘆驟聽無別癸辛雜志謂長城傍得古木謂名黃蘆蓋音

築城以爲幹者字正作蘆五臺在長城內木名黃蘆其來舊矣  
蘆爲葦草不可通木蘆上加艸俗書之誤此木殆卽橐蘆而說  
文所說桴木歟又圖經謂有一種刺蘆多刺可染不入藥用或  
卽此木蓋不知其名姑以色黃而名曰蘆





樂華

樂華本經下品救荒本草木藥生密縣山谷中樹高丈餘葉似棟葉而寬大稍薄開淡黃花結薄殼中有子如豌豆烏黑色人多摘取作數珠葉味淡甜採嫩芽燉熟換水浸淘淨油鹽調食按山西亦多有之俗訛作木蘭通志木蘭叢生谷岸葉可染皂晉人名黑葉子春初採芽作茹名木蘭芽又長治縣志栳卽六蘭考集韻栳木名可爲笏此木皮赭質白自可作笏而黑葉三則染肆用之如阜斗說文樂木似欄段氏注欄今之棟字與之似棟其說古矣西音爲蘭亦古韻也